



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

5 Maji. 3 Nonas Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

S. MARIA, *cujus imago Modica, in Sicilia, hoc die, manè, anno 1615. supra collem reperta est; & per plures deinde annos, è colle illo, frequenter splendores ac radii emicabant, ac opidum illustrabant, colle idcirco à spinis postea expurgato. Ibi sabbato quodam, dum Litania tua canerentur, plurimi ope tuâ sunt persanati. Sana me, Domina, & scababor, etiam ab occultis morbis meis. Imple cor meum splendoribus Sanctorum: exure igne amoris Dei spinas meas, quæ sauciant animam meam!*

5 Maji. 3 Nonas Maji.

SANCTA Jutta Vidua, quæ Sanctorum Vitas à teneris legens, à Christo, pro quo è ditissimâ pauperrima facta es, audisti: *Omnia mea tua sunt.* Simulque potestatem accepisti, ut è divino arario Cordis Dei Jesu, quemcunque tibi velles, thesaurum depromeres; deprompsisti sanctam in divinis penetrandis sapientiam. Sapè elevatum à terris in cælum corpus, etiam anima est secuta, quando à Christo ad æternitatis delicias invitata, ivisti. Doce me legere, & imitari vitam, ac pretiosam mortem Sanctorum: deprome

promemmihi è thesauro Cordis Jesu
illam Philosophiam, quæ docet vi-
vendo sanctè mori; ut ita, sicut tu,
à Christo invitatus, æternis æterni-
tatis deliciis æternum fruar. Amen.

SS. Crescentia, & Silvanæ, MM.

S. Euthymi Diacone, qui, ob
Christum, in carcere quievisti.

Sancti Irenæe, Peregrine, & Ire-
ne, Martyres combusti.

S. Joviniane Martyr.

S. Angele Carmelita, cujus pa-
rentes Hebræi, Jerosolymitani ci-
ves, de te, ac Joanne fratre tuo
nascituro, edocti divinitus, cilicio
cooperti ac orantes, à Beatissimâ
Virgine, Angelorum cœtu comita-
tâ, visitati, de Messiâ instructi, sapè
Patriarcham adire ac audire jussi,
baptismo expiati, ab Angelis in
templum introducti, ibi Christum,
in sacrâ hostiâ spectabilem, vife-
runt. qui (Joanne quoque fratre tuo
ægros curante, ac mortuos susci-
tante) Jordanem, aquis hinc & hinc
tibi apertis, cum septuaginta homi-
nibus, sicco vestigio transivisti:
Josephum adolescentem, ac septem
alios, ad vitam revocâsti: in de-
serto, in quo Christus olim jejunâ-
rat, per quinque annos, ab Angelis
visitatus es, & mortuus: quem
Christus

Christus, cum Angelis, ac Sanctis aliis, in eremo invisens, & ad iter, ac labores, mortemque *Dei amore* suscipiendam, hortatus, tibi martyrium, & de Turcico Imperio multa, prædixit: qui Romæ S. Franciscum, & S. Dominicum, amanter complexus, mira & illis prædixisti, & eos de te prædicentes audivisti: cui S. Joannes Baptista apparuit, & dixit: *Virtutes tuas Jesu Christo, & Magna ejus Matri mirificè placuisse; te in cælo ab Angelis expectari. Exultant, addebat, cives caelestes de tuo adventu: in perennem enim calorum gloriam ass. méris: qui ab impuro, quem de scelere corripueras, vulneratus, psallere cœpisti: Beatus vir, qui non abiit in consilio impiorum, &c. In te, Domine, speravi, &c. & ad verba, In manus tuas, Domine, commendo spiritum meum; auditâ cælesti voce, Angele, veni, accipe coronam gloria, è refulgente tuo corpore anima migravit, & in candentis columbæ specie cælum transcendere, magno lumine radians, visa est inter choros accinentium Angelorum: posteaque Archiepiscopo apparens, dixisti: Frater, & amice, ecce vado ad gloriam. Vale, & quod facis, Deum time. sepelias corpus meum*

meum, in loco, ubi, JESU amore, martyrium sustinui. Hæc tu illi, S. Bernardum legenti, dixisti; & videlicet ac loqui desisti. Doce me sanctè sanctè legere: doce, Dei amore agere omnia; ut ita singula, quæ ago, JESU Christo, & Magna ejus Matris mirificè placeant, eosque delectent.

S. Maxime Episc. post effossum oculum, & pedem ignito ferro adustum, ad metalla damnate.

Sancti Eulogi, Niceti, Theodore, Sacerdos, Gerunti, omnes Episcopi.

S. Hilari Episc. quem corporis ingenii, modestiaeque dotibus amabilem, piis colloquiis, & fuis pro te precibus, ad cælestia inflammavit S. Honoratus: qui columbae capiti tuo incubantis, indicio factus Episcopus, aliquos, è templo ante tempus exeuntes, his vocibus revocasti; *Exite, exite; quia non licet vobis de gehennâ exire.*

S. Augustine, Sancti Ambrosii operâ, maternis lacrymis hodie converse, & post baptismum, unâ cum S. Ambrosio, *Te Deum laudamus*, canens.

S. Herina V. M. quæ semimortuum patrem tuum Imperatorem sanasti; quam in tenebris Angelus lampade

lampade perpetuâ recreavit.

S. Teuteria Virgo regia , quæ sub textis repentè araneorum telis mirè latuisti ; ac in conspectu adstantium Angelorum, exilium cum patriâ commutâsti.

OMNES SANCTI, &c.

pag. 320.

S. MARIA, qua S. Angeli hodierni parentibus conversis, hunc filium Martyrem promisisti: cujus imaginem, à S. Lucâ pictam, idem, è calo monitus, in Italiam detulit. *Converte me: fac me dignum, & idoneum, ad honorem tuum & gloriam, Dei amore, omnium oculis, auribus, cordibus inserendam!*

6 Maji. Pridie Nonas Maji.

S. Anctè Joannes Damascene, cui, ob sancta de cultu imaginum scripta, amputata, & in foro palàm suspensa, manus, Beatissimæ Dei-paræ, tibi apparentis, ope integrè restituta est; ut illam, contra grassantem ubique impietatem, impiger, ejusdem Virginis monitu, exerceres. Porrige mihi auxiliarem manum tuam: pone me juxta MARIAM; & cujusvis manus pugnet contra me, viventem, & morientem. Amen.

S. Joan-